



UPRAVA POLICIJE

Broj: 05-04/06-11-722/24/RS – LOT 3, LOT 4

Datum: 16.08.2024. godine

Na osnovu člana 69. stav (2) tačka a) i člana 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24), Preporuke o izboru najpovoljnijeg ponuđača Komisije za javne nabavke Uprave policije MUP USK-a broj: 05-04/01-1-11-722/24 od 13.08.2024. godine, člana 26. i člana 27. stav (3) Zakona o unutrašnjim poslovima Unsko – sanskog kantona (“Službeni glasnik USK-a”, broj: 13/16, 16/17 i 8/24), te Pravilnika o javnim nabavkama MUP USK-a i Uprave policije MUP USK-a („Službeni glasnik USK-a“, broj: 09/23) u postupku javne nabavke roba – obuće za policijske službenike Uprave policije MUP USK-a, direktor Uprave policije MUP USK-a, **d o n o s i :**

O D L U K U
o poništenju postupka javne nabavke za LOT 3 i LOT 4

Član 1.

Poništava se otvoreni postupak javne nabavke roba – obuće za policijske službenike Uprave policije MUP USK-a za LOT 3 i LOT 4 iz razloga jer nije pristigla ni jedna ponuda za navedene LOT-ove u određenom krajnjem roku.

Član 2.

Za izvršenje ove odluke zadužuje se i ovlašćuje Sektor za materijalno-financijske poslove i informacijsko – komunikacijske tehnologije, Odsjek za materijalno opremanje i komercijalne poslove Uprave policije MUP USK-a.

Član 3.

Ova odluka će biti objavljena na web stranici Ugovornog organa: mupusk@mupusk.gov.ba u skladu sa članom 70. stav (6) Zakona o javnim nabavkama BiH.

O b r a z l o ž e n j e

Postupak javne nabavke pokrenut je odlukom o pokretanju postupka javne nabavke broj: 05-04/06-11-722/24//RS od 18.06.2024. godine.

Javna nabavka je provedena putem otvorenog postupka u skladu sa Zakonom o javnim nabavkama BiH (“Sl. glasnik BiH”, br. 39/14, 59/22 i 50/24), podzakonskim i internim aktima.

Ukupna procijenjena vrijednost javne nabavke bez PDV-a iznosi 500.000,00 KM (slovima: petstotinahiljada i 00/100 KM).

Predmetna nabavka je podijeljena na 4 (četiri) LOT-a, i to:

BROJ I NAZIV LOT-a	PROCIJENJENA VRIJEDNOST (bez PDV-a)
Lot 1 – Plitke cipele	188.000,00
Lot 2 – Cipele gležnjače	274.000,00
Lot 3 – Ljetne - poluduboke čizme	30.000,00
Lot 4 – Cipele svečane	8.000,00

Kriterij za dodjelu ugovora je najniža cijena.

Obavještenje o nabavci broj: 20936-1-1-42-3-24/24 objavljeno je dana 28.06.2024. godine na Portalu javnih nabavki BiH.

Krajnji rok za prijem ponuda bio je 13.08.2024. godine do 09:00 sati.

Komisija za javne nabavke Uprave policije MUP USK-a imenovana je Rješenjem broj: 05-04/04-2-11-585/23 od 06.06.2023. godine i od 29.04.2024. godine.

Komisija za javne nabavke dostavila je Odsjeku za materijalno opremanje i komercijalne poslove Preporuku o izboru najpovoljnijeg ponuđača broj: 05-04/01-1-11-722/24 od 13.08.2024. godine, u predmetnom postupku javne nabavke roba – obuće za policijske službenike Uprave policije MUP USK-a sa prijedlogom da se za LOT 3 – Ljetne - poluduboke čizme i LOT 4 - Cipele svečane postupak javne nabavke poništi s obzirom da za navedene lotove nije bilo pristiglih ponuda.

Iz navedenih razloga a na osnovu odredaba člana 69. stav (2) tačka a) i člana 70. Zakona o javnim nabavkama Bosne i Hercegovine ("Sl. glasnik BiH", broj: 39/14, 59/22 i 50/24), odlučeno je kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi BiH putem Ugovornog organa u pisanoj formi, direktno ili elektronskim putem (e-mailom) ili preporučenom poštanskom pošiljkom na adresu Ugovornog organa.

Dostavljeno:

1. Sektor za mat.-fin. poslove i IKT - za objavu
2. a/a

